

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
**Odbor za poljoprivredu, vodoprivredu
i šumarstvo**

Broj: 02/14-02-9-2224/16

Sarajevo, 15.12.2016.

**DOMU NARODA
PARLAMENTA FEDERACIJE BOSNE I HERCEGOVINE**

Odbor za poljoprivredu, vodoprivredu i šumarstvo Doma naroda Parlamenta Federacije Bosne i Hercegovine na 10. sjednici, održanoj 14.12.2016. godine, razmatrao je:

- 1. Informaciju u vezi sa stanjem poljoprivrede u Federaciji Bosne i Hercegovine (Informacija o projektima IFADA-a u Federaciji BiH),**
- 2. Prijedlog Budžeta Federacije Bosne i Hercegovine za 2017. godinu – hitni postupak,**
- 3. Prijedlog zakona o izvršavanju Budžeta Federacije Bosne i Hercegovine za 2017. godinu – hitni postupak.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", br. 27/03 i 21/09), Odbor podnosi Domu naroda sljedeći:

IZVJEŠTAJ

- 1. Informacija u vezi sa stanjem poljoprivrede u Federaciji Bosne i Hercegovine (Informacija o projektima IFADA-a u Federaciji BiH),**

Nakon prezentacije ovlaštenog predlagača, članovi Odbora su kroz diskusiju izrazili stav o kvalitetno pripremljenoj Informaciji i istovremeno, istaknuvši nedostatak finansijskih sredstava kao jedan od vodećih uzroka za sveukupno stanje u poljoprivredi, Odbor je zauzeo stav da u saradnji s Federalnim ministarstvom poljoprivrede, vodoprivrede i šumarstva i drugim akterima u oblasti poljoprivrede na području Federacije Bosne i Hercegovine podrži razvoj ove grane kao strateške za razvoj privrede u Federaciji BiH.

Odbor predlaže delegatima Doma naroda Parlamenta Federacije Bosne i Hercegovine da usvoje Informaciju u vezi sa stanjem poljoprivrede.

2. Prijedlog Budžeta Federacije Bosne i Hercegovine za 2017. godinu – hitni postupak

Odbor za poljoprivredu, vodoprivredu i šumarstvo Doma naroda smatra neprihvatljivim planirani iznos na ekonomskom kodu 6145 od 65.800.000 KM za Subvencije privatnim preduzećima i poduzetnicima – Podsticaj za poljoprivredu jer nije u skladu s iznosom od minimalno 3% iznosa budžetskih prihoda i primanja propisanim Zakonom o novčanim podsticajima u poljoprivredi i ruralnom razvitku, kao ni projekiranom poljoprivrednom budžetu za 2017. godinu od 76,50 miliona KM sa izdvajanjima za program mjera u veterinarstvu od 4,00 miliona KM definisanim Srednjoročnom strategijom razvoja poljoprivrednog sektora u FBiH za period 2015. – 2019. godine. Uzveši u obzir i dugovanja nastala kroz programe podsticaja u poljoprivrednoj proizvodnji u prethodnom godinama, a kojih po ministrovim riječima, preostaje neisplaćenih obaveza oko 26 miliona KM, Odbor predlaže Domu naroda Parlamenta Federacije Bosne i Hercegovine da usvoji amandman kojim se dodaje poseban Ekonomski kod 6145 Subvencije privatnim preduzećima i poduzetnicima – izmirenje obaveza iz ranijeg perioda, kako već planirana nedovoljna sredstva za podsticaje u poljoprivredi ne bi bila dodatno umanjena.

U skladu s naprijed navedenom Odbor predlaže delegatima Doma naroda da prilikom usvajanja Prijedloga Budžeta Federacije Bosne i Hercegovine za 2017. godinu usvoji navedeni amandman Odbora.

3. Prijedlog zakona o izvršavanju Budžeta Federacije Bosne i Hercegovine za 2017. godinu – hitni postupak

Odbor za poljoprivredu, vodoprivredu i šumarstvo, nakon provedene rasprave, predlaže Domu naroda usvajanje Prijedloga zakona o izvršavanju Budžeta Federacije Bosne i Hercegovine za 2017. godinu po hitnom postupku, uz amandman Odbora da se na kraju člana 30. dodaju riječi “uz prethodnu saglasnost nadležnog parlamentarnog odbora” što je i utvrđeno članom 68. Poslovnika o radu Doma naroda Parlamenta Federacije BiH a čime bi se i dodatno osigurala transparentnost i efikasnost upravljanja budžetskim sredstvima.

Za izvjestioca na sjednici Doma naroda ispred Odbora određen je Đuro Delić, predsjednik Odbora.

PREDSJEDNIK ODBORA

Đuro Delić